

家訓引

諺曰孔子家兒不識罵曾子家兒不識鬪所以然者生而善教也嘗見人家子弟或蕩檢踰閑或放肆邪侈小而辱及先人大而患及宗黨豈其性然哉民由父兄之教不先致令子弟之率不謹此聖賢立教至詳且備也第四書六經以及諸子百家之名言讜論浩博難窮今倣考亭訓子之性理吟輯成律句又加以訓詁事不越乎日用倫常言惟期乎質樸淺近俾我宗族父詔其子兄勉其弟令其習與智長化與心成將由此而窺乎聖賢之旨身體而力行之為名儒為碩輔不外乎此即不然恪守家訓亦不失宗族自愛之士誰云家有訓蓋可忽乎哉譜家訓

要敬天地

混然中處有予身 都是戴高履厚人
勿二勿三將以敬 目明日旦凜性寅
須懷地道廣生德 當念天心覆育仁
倘若馳驅兼戲豫 降殃何計可回瞋

易曰天施地生其益無方書曰唯天地萬物父母則知人處高天厚地之中何人不食高天厚地之德而習焉不察者不惟不敬且一事拂心即怨天咒地此大不敬之尤者也試問混然中其中所頂天立見者何事

而乃貳以二恭以三曰明日且無所敬畏吾知爲臣必不忠爲子必不孝以及日用常無適而非薄敗行之漸也願我族中子弟念天心覆育之仁須懷地道廣生之德凡一言一行豪不敢得罪於天地使天地常常憐我方爲有益不然作事不循天理存心失其厚道日事馳驅戲豫觸犯譴怒或降殃於其身或降殃於其子孫恢恢天眼豈漏也哉

要忠君上

從來率土莫非臣 不論居官與庶民

獨亶聰明爲父母 各輸忠悃報尊親

奉公守法安吾賤 竭慮盡心致我身

一德交孚朝野肅 油然共樂太平春

大君者父母之宗子也天旣獨亶聰明爲吾父母人宜各輸忠悃報我尊親世之人動曰我未曾膺朝廷半職忠之道於我無涉獨不思忠經云祇承君之法度行孝弟於其家服勤稼穡以供王賦爲兆人之忠乎則自大僚以及庶民谁不當盡忠於君者是故居官則思勤勞王事如武侯之鞠躬尽瘁死而後已居家則思奉公守法如高密侯之訓子弟飲和食德無負國恩庶於忠之道無斷₁₁亏我宗族中倘有委贄爲臣固當盡忠以報國卽不然踐土食毛莫非君德國課早爲完納差搖不可逃躲毋身罹訟獄而拒捕毋欺隱灑派以

罔上勿惰爾業各豈厥職上下一德朝野皆肅長享大平之福豈不快哉

要孝尽父母

人生百行孝為先 孝順雙親萬善全

鞠育婚教恩罔極 温清定省禮宜然

夔夔盡道方成聖 戰戰守身信是賢

但願吾家為子者 常常三復蓼莪篇

孝為百行之首詩書所載述不勝述但人無貴賤自孩童以至成立鞠育幾年婚教幾年一生精神心血都為兒女灰盡為人子者受此深恩須當及時報答故凡冬温夏清昏定晨省服勞奉養固所當盡其大者養體務宜養志順親必思顯親不幸有過則委曲几諫疾病則湯藥親嘗當大故則喪祭盡禮理門戶則聲名不墜母情其四肢毋博奕好飲酒毋好貨財私妻子毋縱耳目之欲以為父母戮毋好勇鬪狠以危父母凡所當為內盡其心外竭其力如大舜之夔也齊慄曾子之守身不失可謂孝矣詩曰哀哀父母生我劬勞欲報之德昊天罔極斯言痛切願吾家子弟尙其時時三復焉

要友兄弟

兄友弟兮弟敬兄 一堂和氣兩相迎

休萌割戶分門意 當念同胞共乳生

勿聽婦言殘骨肉 莫因財利起戈兵

眼前生子又兄弟 細味斯言氣自平

父母生我兄弟時如十指在手不論大小長矩痛癢一切關心殘忍之人分門割戶不念同胞共乳之親或聽婦人之言傷我骨肉或因財產之微起厥戈兵一有牴牾便相嫉如仇讐殊不知殘我兄弟是卽殘我父母十指也忍心害理罪孰甚焉願我族中爲兄者須愛其弟爲弟者必敬其兄或讀詩書爾我講解或做生理彼此商量耕田種地竭力相帮手藝經營留心照管饑寒困苦相恤疾病患難相扶又要徐行後長大以還大小以還小怡怡一堂眞天倫樂事也古詩云兄弟同居忍便安莫因此小起爭端眼前生子又兄弟留與兒孫作樣看細味斯言而乖戾爭兢之氣自平矣

要和夫婦

夫婦原如大極圖 剛柔健順理相符

甕提井上洵賢婦 獅吼河東豈丈夫

鼓瑟鼓琴歌好合 宜家宜室頌刑于

古來王化閨門始 好把綱常此地扶

男剛女柔男健女順大極生陰生陽之理也故陰陽和而後雨澤降夫婦和而後家道成和氣致祥自然之應世有一等不合其室而琴瑟乖張不敬其夫而幃房驕蹇甚至不效提甕出汲之賢媛而爲河東獅吼之悍婦惟家之索莫此爲甚夫男爲家之長一言一動必須近情合理女以夫天修寄修德惟當委婉曲從夫夫婦婦各盡其道方是人倫樂事古人云夫以義爲良婦以順爲令和睦禎祥來乖戾災禍應舉案必齊眉如賓互相敬牝雞一晨鳴三綱何由正箴言最深切著明也凡我族中念此地爲王化之始調琴瑟宜室家歌好合而頌刑于修齊之道得矣至閨門不肅長舌階厲宗約具在可取而按也

要信朋友

友朋原在五倫中以信相孚聲氣通

善若晏嬰惟敬以衰如張耳必凶終

同心可使金能斷規過還期告則忠

莫學今人交道薄口頭相結不由衷

朋友乃五倫之一以義合者也善則相勸過則相規患難共之死生倚之如晏子之久敬方稱善交今之交友者以勢『利結以酒肉親所尙者聲氣所貪者財貨有利則趨利盡則疏若張耳之與陳余凶其父終而隙其末者比比矣此所調近世交道喪青松落顏色乎此所謂但結口頭交肚裡生荊棘乎翻手作雲覆手雨

當面論心背面笑杜公之句正為若輩言之也願我族眾當知取善輔仁皆資朋友棟着直諒多聞之友推誠以相與交際往來盡其誼忠告善道盡其誠毋面是而背非毋凶終而隙未毋爭微利而遽疏毋信讒言而宿怨肝胆照心腹孚庶獲同心斷金之益矣

要尊師長

師等君親擬地天 不尊師長亦徒然

開聾振聵功何大 明善復初志要堅

任是百工皆有傳 能精一藝即稱賢

從來慢道輕師者 幾個男兒得所傳

傳道解惑師也百工技藝亦莫不各有師故受業師長昔人以比天地君親誠重之也自古道一日為師終身為父要想到室者通拙者巧全虧着何人指引教訓豈可背義忘恩故凡延師訓子要當內畫其誠外隆其禮倘輕褻簡慢則子弟必然無成但為師者受父兄重託子弟終身德業所係固宜悉心開導講論必須透徹督讓必須严密文理之外一切人情世事品行心術俱當一一指示切不可終朝燕惰虛糜館穀欺朦父兄引誘生徒作諸不肖悞人子弟至若從師學藝念彼靠藝營生盡心教導使其手藝精巧終身有靠是亦陰德事也凡我族中遇師長隆尊師之道為人師盡為師之職毋負厥訓焉可也

要篤宗族

本是同宗共祖身 如何隔膜視斯人

當存敬老憐貧意 應體矜孤恤寡仁

范老義田須倣效 張公忍字要遵循

顛連無告皆兄弟 篤愛休論踈與親

書日以親九族詩日本支百世在聖王尚篤宗族矧众庶豈可薄視同支每見今人不念同宗共祖之親或以富貴驕以智力抗強凌众暴欺孤嚼寡犯尊長侮車弱天良喪尽祖宗所不佑者也夫張公藝守憑字九世同居范文正置義田貧乏有瞻凡我宗族當知篤愛長幼洽以序尊卑聯以分喜相慶戚相憐又必於幼弱則矜之扶持愛養以保其生於孤寡則恤之提携賑念以洽其情衣食窘急生計無聊則周之量己量彼可爲則爲不必望報人有忿則爭遇一人勸氣遂平遇一人助氣愈激居聞解之族人之責也推而爲义田义倉義學義塚教養同族使生死無失所是又所望於族中之好義者

要睦隣里

鄰里不和惹是非 雖云諺語實知幾

傷情破面因此小 蕩產亡身起細微

容忍謙恭稱美德 匡扶排解仰芳徽

恂恂大聖於鄉黨 矧我人斯敢有違

孔子大聖人於鄉黨尙恂恂如也矧我人斯敢有違乎乃今之居邻里者或稍处饶裕微有功名於邻里之間便有許多尊大骄傲之態又或因口角睚眦之失或因磁牲水漿之微或因田地山场或因錢穀債務一或不戒便生凌兢遂構怨結仇輕則惹氣丟財傷情破面重則釀成人命蕩產亡身古云非宅是卜唯鄰是卜緩急可恃者莫如隣里是故人有親疏接以温厚事無大小處以謙冲安樂與共憂患與恤農商相資工賈相讓排難解紛周貧濟急人有不及處以情恕之事有拼意加以理遣之毋恃勢以凌人有小忿而不争方是睦隣之道我族中尙其共相勸勉以遵其道焉庶成里仁爲美之風矣

要勤職業

爲問資生職業良 士農稱最次工商

書勤誦習身榮貴 田苦耕耘室蓋藏

任是工師勞有獲 那來商賈逸無妨

試觀游惰終身者 消索無依自取殃

靖節公云民生在勤勤則不匱士而勤博學多聞義理充積學不匱也農而勤禾登黍熟盈宁有慶食不匱

也工而勤藝無休時餽廩豐裕身不匱也商而勤貨無困滯流轉靡窮財不匱也愚者由勤而智貧者由勤而富賤者由勤而貴天下事何一不自勤中得來第勤之說在盡力尤貴盡道如爲士先德行後文藝不得舞弄包攬有玷行止如力農守本分安耕鑿不得竊水盜砍謀佔欺隱工則不得作淫巧售僞器商則不得欺童叟賣假貨又不可越四民之外爲僧道屠宰優

娼皂隶凡此皆族中所當父詔兄勉率由不越者如或游手好闲不務生業資身無策流於匪僻是又宗約不得不嚴者也

要崇節儉

自來儉約保身家 切勿競繁與鬪華

一粒一絲來不易 滿堂蒲室費無涯

富非節用貧時悔 少若亂爲老後嗟

試看眼前領敗子 驕奢淫佚納於邪

天地生財祇有此數生人需用愈出無窮唯崇尚節儉量入爲出留有餘不盡之享以還天地以遺子孫方是保守身家之道近世人情繁華或宗勤檢果所遺子孫不念物力艱難任意奢侈或少不經事所有錢財任意揮擢或好門面不肯露酸寒本色婚嫁喪祭餽間慶弔支吾稱償及至水落石出產蕩家領寡廉鮮恥

無所不至上辱宗祖中玷父母下累兒孫不儉之害可勝言哉願我族中當念一絲一粒來處不易滿室滿堂用數無涯衣服不可過麗飲食不可無節冠婚喪祭率質而不華宮室器皿寧樸而不美即慶弔餽遺往來交際從俗從宜歸於省約不納身於驕奢淫佚何自来傾敗之患哉

要慎交遊

人生若不慎交遊 萬事俱從瓦解休

失足邪區難再贖 陷身匪類又何尤

敗名喪節都由此 蕩產顧家總自求

墨近黑兮朱近赤 結交須要結名流

陽明先生客座祝曰但願願溫恭直涼之友來此講學論道示以孝友謙和之行德業相勸過失相規以教訓我子弟使毋陷於非辟不願狂躁惰慢之徒來此博奕飲酒長傲飭非導以驕奢瑤蕩之事誘以貪財黷貨之謀冥頑無恥煽惑鼓動以益我子弟之不肖嗚呼由前之是說謂良士由後之證是人我子弟葡遠良士而近凶人是謂逆子戒之戒之格言具在皆當佩服無如世之人所喜交者惟此便辟善便雜佞之輩蓋比輩立心好險不務生業引類呼朋嗜酒賭博習法打逞奢華好訟爲非無所不至一入圈套名敗節喪

產

蕩家傾悔無及矣語云近朱者赤近墨者黑我子弟各宜慎交遊毋貽瓦解憂則得矣

要培心田

欲與子孫計遠長 心田培植是良方

陰功廣積遵司馬 善事時行法葛郎

刻薄成家無以享 貪殘處世有餘殃

誰云天眼疎而漏 順則存兮逆則亡

易曰積善之家必有余慶積不善之家必有余殃書曰作善降之百祥作不善降之百殃福善禍淫天道原自不爽易書所言已爲後人下針砭矣釋氏云要知前生因今生受者是前世者即乃祖乃父爲善則我身必受其福祖父爲惡則我身必受其殃要知後世因今生作者是後世者即乃子乃孫也我而積善則福及子孫我而作惡則殃及子孫所謂善惡之報如影隨形也願我族人把心田時時檢點默亡提斯現在之福得之祖宗者時加灌溉將來之福貽之子孫者日事栽培遵司馬廣積陰功法葛繁時行善事刻薄貪殘毫不積諸念慮斯心田培天必錫以福而自能昌大吾宗也勉之勗之

要敦禮讓

與世用族禮讓先 能敦禮讓永無衍

肅雍處世來親愛 驕傲待人惹憎嫌

謙掛六爻皆吉象 孟書三反是真詮

養得春風和氣體 到處相逢自藹然

禮者履也道德仁義非禮不成尊卑上下非禮不定冠婚喪祭非禮不備燕饗餽問非禮不行世之人或畏乎拘苦而以脫畧長慢易之行或事乎繁縟而以浮偽滋文飾之具殊不知先王制禮本人心之自有順人情之自然故其用貴平和而其實存乎讓我族人致禮治躬當退讓以明禮體謙掛六爻之旨遵孟子三反之言和以處眾俾以自牧在家庭父子兄弟致其親愛處鄉黨長幼尊卑昭其雍睦以及朋友交際親戚欵洽盡誠敬以相與毋惰慢以取戾毋驕傲以凌人毋因一念貪而生攘奪毋以一朝忿而起爭兢黨庠術序相習以禮讓之行農工商買相敦以禮讓之風此也雍雍彼也肅匕庶几成讓之歟

要謹言行

謹慎功夫那處求 常將言行戒輕偷

虛言折盡平生福 短行深貽後世憂

有物有恒覘道範 寡尤寡悔仰純修

樞機一發分榮辱 願爾澤躬慥匕流

言行君子之枢机枢机之发荣辱之主也故一行假而百行

尽属可疑片言虚而千言盡属飾说言之不可不謹也如是夫顧吾見今之放言者矣或過於直贛或喜為讥刺或雌黃臧否或黑白是非或談人閨闈或揚人過惡或為淫褻戲侮之詞或為殘刻計利之語造種種口孽興戎起羞折尽平生之福至於敗行之子履邪徑欺暗室縱欲敗度恥過稀非陰賊良善暗侮君親好侵好奪強取強求只知利己不恤人言一切不公不法不仁不義之事無所不為非惟取悔且胎後世憂不謹之害一至於此吾願族人鑑不謹之害一言也必求有物一行也必期有恒則尤悔能寡寧不與慥匕君子同歸一致哉

要息爭訟

爭訟棍徒實可哀 身亡家破此中胎
衙門慾壑填難滿 保戶機關用莫猜
受侮受欺還受法 傷情傷義更傷財
勸君忍讓為先着 不訟終凶那處來

持身之道懲忿為先保家之方忍辱為上總不宜負氣興訟蓋爭訟有害無利無論官府廉明到城市便被保戶撮合陽則事事盡心替你打點而陰謀暗算詭計百端幸准一詞書吏以為奇貨差役執為利藪衙門

慾壑難填保戶機關莫測伺候公門曠日持久酒食耗費拖累多人小則荒時廢業大則蕩產頓家夫古人認牛而不辨奪禾而不爭風誠可嘉勸族人識破此意當忍讓以聽人和解以其必忍氣耗財於衙門保戶將移之以忍讓我親族友鄰非惟不得受欺侮亦且不受法於官長非惟不至傷情義亦且不傷財於身家卽萬不得已直呈於官尙當委曲周全斷不可聽訟師唆訟以受終凶之害也戒之戒之

要戒賭博

世人賭博作生涯 賭博生涯必敗家

萬貫贏來湯潑雪 千金輸去水推沙

前人基業由茲蕩 畢世品行自此邪

到得無聊生計絕 有誰憐念有誰遮

害人之事多端而賭爲甚能使品行回邪本業廢墮口出狼蕃之言足踐污秽之地奴隸人亦與扳肩執袂父子兄弟皆同喝雉呼盧朝張暮李以賭博作生涯雖贏來萬貫如湯潑雪轉眼成空卽輸去千金如水榷沙隨手浪擲及其敗也蕩產傾家賣妻鬻子賭囊空而基業盡子孫衣食無資饑寒迫而盜心生祖父聲名盡喪嗚呼人生至此上辱祖宗下害妻子生我之親以我爲不孝我生之子嗤我爲無良至於因賭而受毆拳傷腳踢因賭而興訟受辱遭刑又或因賭而損力耗神受病莫起因賭而疏親慢友情義乖離種種害端

難

以枚舉及至無聊有誰憐念有誰遮蔭言之痛心我子弟各自猛省焉可也

要端蒙養

聖狂界限判蒙時 養正功夫貴早施

小學一編勤訓導 幼儀數則要堅持

擇鄰有教賢歸母 育子不才咎任誰

自古枝頭從小揉 釀成驕悍定難移

蒙以養正聖功也爲父母者於童稚時養其良知良能如小學一編幼儀數則時時開導令其習與智長德性自純若一味姑息養成驕悍流於不才咎將誰任哉昔彭東莪訓子曰爾曹小子雖未冠纓大人學術在培其根一不得輕師違教二不得犯長怒親三不得驕朋慢友四不得尙氣凌人五不得多言輕笑六不得胡亂罵人七不得掩取財物八不得打謊哄人九不得早眠晏起十不得閑坐遊行有一於此便不成人高賢須親近客來要殷勤凡處鄉黨毋得侮凌凡遇宗族倫序要分格言至論宜當細聽非禮分外切勿去行爾能受教可做好人毋徒孟浪悞爾前程附錄於此傳諭族人教訓子弟令其服膺

有天地然後有萬物尊無二上敢不敬與顧天地之生人爲貴人之道莫大乎五倫五倫攸紱是卽天地之

肖子也民生於三事之如一則繼五倫而當尊者非師長乎內而宗族外而鄰里篤愛親睦之道不講致以薄德寡恩居心何以自立於人羣然羣處之眾莫不各有身家而持身保家勤儉尚焉雖然勤矣儉矣所交非人亦非持身保家之道也則交遊宜慎若夫欲廣福田須憑心地培植不可以不力先王制禮斯須不可去身假令一日而無禮卽一日無人道禮讓不可以不敦至於一言一行動關榮辱一不謹尤悔集躬而興戎召侮悉基諸此彼夫訟則終凶易詞有誠牧猪奴戲桓公所強嗤

能息爭訟戒賄博何自來敗家亡身之禍哉第此中關鍵則又在爲父兄者於子弟童蒙時施以養正之功則習與智長德性若自然矣故終之以端蒙養此家訓十八則雖聖賢教人不盡乎此而大閑終莫能越用是輯成律句以爲宗族勸至訓詁中語或採名言未詳姓氏因爲字所限耳昔陳桂林有云言苟切於身心事果可爲規勸卽當服膺勿失如人因病而服藥苟能療疾亦不害其爲良劑也識者諒之

惜陰軒主人識